



Kamis, 15 Agustus 2023
Ogen : Kejadin 39:20-23



Jore Kerina



Penjara, sada ingan si cukup sempit, dikelilingi pagar besi, tembokna meganjang la tertingahi, ruangen tunduh ersada ras kamar mandi. Penjara, ingan kalak si tertangkap erjudi, korupsi, bandar narkoba, mafia ras sidebanna. Labo kal mehaga adi igelari narapidana. Asa umur geluhna enggo icap 'mantan nara pdana.'

Jusup, anggota narapidana. Ituduh entah si pasna ifitnah ngelakoken perbahanen amoral. La ibereken kesempatan lako nuriken kejadiin situhuna. Itamaken ku penjara, la lit kesempatan mbela diri. Arah budak jadi narapidana.

Situasi bas penjara, la erbahansa Jusup terpenjara. I bas penjara ia bebas; bebas ngelakoken si bujur, bebas ngerana alu payo, bebas erdahin mbersihkan halamen penjara, bebas nuriken kepentarena, bebas bergaul ras Tuhan. Ruang penjara la jadi kebiaren man bana, ingan si sempit la jadi masalah. Pagar besi ras tembok si meganjang la ngasup ngolangi ia lako ersembah man Tuhan. Kebebasenna la tertutup i bas penjara. Kiniersadanna ras Tuhan erbahansa kegeluhenna jore amin pe i bas penjara. Ia iangkat si ngaturken kerina kalak tutupen si deban. Iendesken man bana tanggungjawab kerina dahin i bas penjara. Labo atena mesui amin pe ia i bas penjara.

Situhuna si megati jadi penjara i bas geluhna labo ingan si teridah. Kita megati terpenjara erkiteken perukuren, mbiar la seh sura-sura, mbiar teridah buni-buni, mbiar nusur pangkat, mbiar la lit duit ras sidebanna. Erbage kebiaren si banci mpeturah pinakit, mpeturah perubaten, mpeturah pusuh la teneng. Persadan ras Tuhan mpedauh kerina kebiaren-kebiaren doni.

